



Վանի Տեղական Մասնաժողով
առաջին շարք՝ Մ. Ջրբաշյան, Ի. Հիսեան, Ռ. Շատուրեան
երկրորդ շարք՝ Ա. Երեմեան, Ս. Գափամաճեան, Մ. Ճիտչեան



1935թ., Թիֆլիս, դասարանական օղակի պարապմունք



1970թ., Նիցա, Միջազգային մաթեմատիկական կոնգրես



1988թ., ԱՄՆ, Ի.Գողերգին նվիրված գիտաժողով



1967թ., Երևան,
առաջին շարք՝ Ֆ. Հարությունյան, Ս. Սինանյան, Ա. Թալալյան,
Ս. Ջրբաշյան, Ն. Առաքելյան
երկրորդ շարք՝ Ն. Ենգիբարյան, Ռ. Օսիպով, Ի. Խաչատրյան,
Վ. Ջաքարյան, Ա. Կիրոսյան, Ա. Ավետիսյան

Լրացավ ականավոր գիտնական, ՀՀ ԳԱԱ Մաթեմատիկայի ինստիտուտի հիմնադիր-տնօրեն, ակադեմիկոս Մխիթար Մկրտչի Ջրբաշյանի ծննդյան 100 ամյակը




1938թ., Երևան

Մ. Ջրբաշյանը ծնվել է 1918 թ. սեպտեմբերի 11-ին Երևանում: Ավարտելով միջնակարգ դպրոցը՝ 1936 թ. ընդունվում է Երեւանի պետական համալսարանի ֆիզիկա-մաթեմատիկական ֆակուլտետը: Ուսանողական տարիներից արդեն ի հայտ է գալիս նրա մաթեմատիկական տաղանդը: Այդ տարիների կարեւոր իրադարձություններից էր 1940թ. Մ. Կելդիշի կարդացած դասախոսությունները, որոնք նվիրված էին անալիտիկ ֆունկցիաների տեսությանը: Կելդիշի դասախոսությունները էապես ազդեցին Մ. Ջրբաշյանի մաթեմատիկական հետաքրքրությունների ձեւավորման վրա:

Ավարտելով համալսարանը՝ Մ. Ջրբաշյանը ԵՊՀ-ում աշխատում է որպես ասիստենտ եւ միաժամանակ ուսանում ասպիրանտուրայում՝ ակադեմիկոս Ա. Շահինյանի ղեկավարությամբ: 1945 թ. ԵՊՀ-ում պաշտպանում է թեկնածուականատենախոսությունը «Անալիտիկ ֆունկցիաների ներկայացման որոշ հարցեր» թեմայով: Սա մաթեմատիկայի գծով առաջին թեկնածուականատենախոսության պաշտպանությունն էր ԵՊՀ-ում:

Մեծ է ակադեմիկոս Ջրբաշյանի ավանդը Հայաստանում մաթեմատիկական դպրոցի կայացման եւ զարգացման գործում: Նրա գիտական աշխատությունները կոմպլեքս անալիզի բնագավառում արժանացան համաշխարհային ճանաչման եւ ստացան լայն արձագանք: Մ.Ջրբաշյանը 1957-1960 թթ. եղել է ԵՊՀ-ի մեխանիկա-մաթեմատիկական ֆակուլտետի ղեկան, 1978-1991թթ. ղեկավարել է ԵՊՀ-ի ֆունկցիաների տեսության ամբիոնը: Նա մեծ եռանդով զբաղվել է բարձրորակ մասնագետների պատրաստման գործով: Մ. Ջրբաշյանի բազմաթիվ աշակերտներ ժամանակի ընթացքում դարձան հայտնի գիտնականներ՝ ակադեմիկոսներ, գիտության դոկտորներ եւ թեկնածուներ: Մ. Ջրբաշյանի գիտա-կազմակերպչական ակնառու ունակությունները ցայտուն կերպով դրսևորվեցին ՀՀ ԳԱԱ Մաթեմատիկայի ինստիտուտը գլխավորելու տարիներին (1971-1989), որոնք դարձան ինստիտուտի վերելքի տարիներ:



1952թ., Մ. Ջրբաշյան, Ա. Շահինյան, Ս. Մերգելյան



1975թ., Մ. Ջրբաշյան, Ն. Առաքելյան

Ընդհամենը 4 տարի անց Մոսկվայի պետական համալսարանում Մ. Ջրբաշյանը փայլուն պաշտպանում է նաեւ դոկտորականատենախոսությունը «Մետրիկական թեորեմներ անալիտիկ ֆունկցիաների լրիվության եւ ներկայացման վերաբերյալ» թեմայով: Նրա պաշտոնական ընդդիմախոսներ Մ.Կելդիշը, Ա.Գելֆոնդը եւ Ա.Մարկուշեվիչը գնահատեցին Մ.Ջրբաշյանի աշխատանքը որպես խոշորագույն ներդրում կոմպլեքս փոփոխականի ֆունկցիաների տեսությունում: Լինելով առաջատար մաթեմատիկոսներից մեկը Հայաստանում՝ Մ.Ջրբաշյանը 1953 թ. ընտրվում է ՀՍՍՀ ակադեմիայի թղթակից անդամ, իսկ 1956 թ.-ին՝ իսկական անդամ:



1974թ., Երևան



1965թ., Սեվան, Մ. Ջրբաշյան, Ռ. Նեվանիս



1950թ., Երևան
Մ. Ջրբաշյան, Ս. Մերգելյան, Ռ. Ալեքսանդրյան



1958թ., Մոսկվա
առաջին շարք՝ Ա. Թալալյան, Մ. Ջրբաշյան, Ա. Շահինյան, Հ. Բադալյան, Հ. Քոչարյան
երկրորդ շարք՝ Է. Քենեյան, Ա. Ներսեսյան, Ն. Առաքելյան, Ի. Խաչատրյան, Ա. Ավետիսյան, Ժ. Ավետիսյան



1966թ., Մոսկվա
Միջազգային մաթեմատիկական կոնգրես առաջին շարք՝ Ա. Ավետիսյան, Մ. Ջրբաշյան, Հ. Քոչարյան
երկրորդ շարք՝ Ա. Կիրոսյան, Ն. Առաքելյան, Ս. Հակոբյան, Վ. Ջաքարյան

Մխիթար Մկրտչի Ջրբաշյանը վախճանվեց 1994թ. մայիսի 6-ին: